



Biser 36

JU Osnovna škola "Behaudin
Selmanović"

Sarajevo, juni 2026.



Sadržaj


Literarni radovi
Likovni radovi
Takmičenja
Ogledni časovi
Škola plivanja
Škola u prirodi
Projekti
Posjete
Manifestacije
Dan ružičastih majica
Volim Bosnu i Hercegovinu
Dan maternjeg jezika i književno veče

Izdavač

Lektor: Edina Žugor - Šalaka

Urednik: Šeherzada Tahić Zahirović

Nastavnici saradnici: Ermina Hubijar-Muslić, Enisa Kanlić, Sanela Dučić, Emira Tucaković, Edita Trnka, Mubera Ibrović, Elvira Uglješa, Jasmina Gujić, Elvira Karasoftić, Elvira Imamović, Elvedina Žunić, Nevresa Podrug, Alma Fazlagić, Jasna Mešan, Amra Mizdrak, Izeta Rahić, Semina Vileš - Šipo, Havka Ahmetović - Velić, Aida Hadžić, Minela Zuko, Mensur Kopic.



**Dragi čitaoče,
pred tobom je novi broj
časopisa “Biser”, a iza nas još
jedna uspješna školska
godina ispunjena
aktivnostima na različitim
poljima. Prenosimo samo
isječke iz života škole u
protekloj godini, djeliće
mozaika koji slažu naši
vrijedni učenici sa svojim
učiteljima i nastavnicima
Punimo svoju bogatu
seharu, čuvamo tragove i
zapise u vremenu.**





Siguran korak u sretno sutra

Dok dan se budi pod plavim nebom
Miris jutarnje kahve širi se domom
Ja planiram svoj novi dan,
Planiram kako ostvariti svoj san.

Vjerujte mi, to je najveći dar
Što ga u srcu nosi i mlad i star
Korakom hrabrim u budućnost koračam
Da vrijednost slobode svakim danom ojačam.

A domovina k'o sehara stara, puna je blaga
Ostavljena u amanet naših deda i nana
Dugo čuvana, nekad zaključana
A danas o oslobodi sa mnom razgovara

Ja sam behar što na njezinoj grani cvjeta
Najsretnije dijete ovog velikog svijeta!

Elhana Mašić V-3

Domovina to se srcem izgovara

Domovina, to se srcem izgovara
Jer, svaka riječ je premala
Da opiše miris njenih polja
Žubor rijeka i šapat vjetra iz planina
Sav taj osjećaj, ponos, ljubav i tuga...
Sve se to u srcu čuva

Domovina, to se srcem izgovara
U njenom imenu srce kuca jače
Ona je dom, utočište naše

Bezbeli Bosno, ti si srcu draga
U tebi je duša, u tebi je snaga
Bezbeli, Hercegovino i ti si puna sjaja
U tebi je ljubav, u tebi je nada

U haremu starom, gdje ruže mirišu
Čuje se ezan, duše nam prodišu
U sokaku djeca se igraju sretna
Domovino moja, neka si vječna

I neka se zna, i dalje u nama živi i volja i nada
Da se svađi i ratu zauvijek zatvore vrata
Nek' svako uživa
I seka i bata
Mama i tata
Dedo i nana

Jer zlatni ljiljani mladost svoju nisu štedjeli
Za mir i slobodu život su posvetili
U srcima našim njihova hrabrost sja
El-Fatiha



Dobro došli u moje Sarajevo

Dobro došli u moje Sarajevo, grad koji diše između planina i rijeka. Kada se jutro probudi, sunce obasja Bašćaršiju, a miris somuna i ćevapa širi se ulicama.

Golubovi kruže iznad Sebilja, a turisti zastaju da natoče vodu i požele da se opet vrate. Moje Briješće odiše grajom djece, ponekim lavežom pasa.

Sarajevo je grad gdje se susreću različite vjere i kulture. Zvona sa crkve, ezan sa džamije i tišina sinagoge zajedno stvaraju melodiju koju ne možete čuti nigdje drugo. To je muzika mog grada. Zimi, kad snijeg prekrije Trebević, djeca se spuštaju sankama, a grad izgleda kao bajka. Ljeti, Miljacka tiho teče, a ljudi šetaju Ferhadijom, smiju se i razgovaraju. Sarajevo je uvijek puno života, topline i priča.

Za mene, Sarajevo nije samo mjesto na mapi. To je moj dom, moj osmijeh i moje srce. Ko jednom dođe, poželi ostati. Ove godine sam dosta saznala o mom gradu, njegovoj historiji i dobrim ljudima. Zato kažem: **dobro došli u moje Sarajevo, grad koji pamti, voli i uvijek iznova dočekuje.**

Podrug Lamija V-2

Svijet bez granica

Kako zamišljam pravedniji svijet za djecu

Moja drugarica koja je u Njemačkoj i ja zajedno učimo njemački preko poziva i dijelimo svoje crteže.

To mi je dalo da razmišljam kako bi bilo da među zemljama nema granica i da postoji pravedniji svijet za djecu. Ako nema granica, mogla bih posjetiti djecu u Africi, Europi, Americi, Aziji i Australiji, a da ne trebam pasoš.

Hajde svi da zamislimo svijet bez granica i bolje mjesto za djecu.

Zamislimo svijet u kojem nema granica. Ljudi bi mogli slobodno putovati, upoznavati jedni druge i učiti nove stvari bez prepreka.

U takvom svijetu djeca iz različitih zemalja mogla bi se igrati zajedno i svi bi bili prijatelji. Niko ne bi gledao na boju kože, vjeru ili mjesto rođenja, nego bi se svi međusobno poštovali i pomagali.

U svijetu bez granica škole i učionice širom svijeta mogle bi razmjenjivati učenike i nastavnike. Djeca bi učila jezike, kulture i običaje drugih naroda, a učitelji bi zajedno pravili zanimljive projekte i istraživanja. Naučnici i ljekari u svim zemljama bi zajedno radili kako bi pronalazili lijekove za bolesti i pomagali ljudima. Svijet bez granica znači da ljudi zajedno rade, a ne da se takmiče i svađaju. Prestali bi odmah svi ratovi, djecu okružili toplinom i ljubavlju.

Porodice bi mogle slobodno putovati i raditi zajedno. Ljudi bi pomagali jedni drugima u svakodnevnom životu, a prijateljstva bi se sklapala između djece i odraslih iz različitih krajeva svijeta. Granice koje danas dijele države bile bi samo dio historije, a ljudi bi učili da su svi jednako važni. Svijet bez granica bi bio miran i sretan, jer bi svi poštovali jedni druge i pomagali onima kojima je pomoć potrebna.

Takav svijet bi bio pun boja, muzike i različitih običaja. Djeca bi se igrala zajedno i učila nove igre i plesove, djelila hranu i ideje.

Držala bi se za ruke i smijala. Mjesto gdje djeca ne moraju brinuti o gladi, strahu ili samoći, nego da imaju priliku da bezbrižno odrastaju, igraju se i sanjaju svoje snove. Zamišljam svijet u kojem odrasli pažljivo slušaju djecu, razumiju njihove

brige i pomažu im da vjeruju u sebe. U tom svijetu škola bi bila mjesto radosti i znanja a igrališta puna smijeha i prijateljstva. Takva je moja škola, Osnovna škola „Behaudin Selmanović“. U njoj nastavnici pomažu učenicima da razvijaju svoja znanja i maštu, i učenicima je ona kao drugi dom. Čuje se muzika sevdaha, holovi su ukrašeni dječijim radovima. U njoj rastu i sklapaju prijateljstva, a nastavnici su tu kao njihova podrška u građenju bolje budućnosti.

Ljudi bi zajedno rješavali probleme, a planeta bi bila ljepše i sigurnije mjesto za život svih stanovnika. Svijet bez granica i bolje mjesto za djecu znači da svi možemo biti prijatelji, učiti jedni od drugih i graditi bolju budućnost. Ako svi budemo poštovali jedni druge i pomagali kada možemo , takav svijet može biti stvarnost.

Vjerujem da pravedniji svijet za djecu počinje malim djelima dobrote. Ako naučimo djecu ljubavi, poštovanju i pravdi, oni će jednog dana izgraditi svijet koji će biti ljepši i pravedniji za sve.

Vjerujem u bolji i srećniji svijet za djecu! Pomozite mi u ostvarenju moga sna i cilja.

Uma Hadžihalilović V-2



Svijet bez granica

Kako bi bilo da svijet nema granica?! To je pitanje koje sebi postavljam svaki dan , a vjerujem i druga djeca. Te linije grozne koje nas razdvajaju .

Kako bi bilo da se svi slažemo, bez obzira na boju kože , vjeru, religiju, ma bez obzira na sve .Kako bi bilo? Pa bilo bi tako da nema rata, bilo bi tako da bi se svi roditelji slagali , cvijeće bi bilo svuda , sunce bi nas uvijek grijalo , niko ne bi bio siromašan, a djeci bi to bilo najdraže. Igrali bi se po cijele dane, učili zajedno. Pričali bi o svojim vjerama, tradicijama i o još mnogo toga. A, oni koji bi se ljutili ? Ma ko ih šiša. Tuga bi nestala , kad bi nekog pitao: Šta je to tuga , ne bi ti znao reći.

Niko se ne bi brinuo o hladnoći, samoći , o gladi, imaju li gdje spavati ili ne. Taj veseli svijet bez loših ljudi , bez mržnje , pun ljubavi , šarenih duga , blistajućih zvijezda i mjeseca. Svuda šareni leptirići , pčelice koje lete posvuda , zvuk vesele djece .

Samo bi se čuo smijeh , slavlje, mir , let bubica . Moglo bi se nabrajati 1 godinu,2 ,3 -ma beskonačno. Pogotovo kad si dijete.

Nekad imam osjećaj da svijet gubi boju. Nekad je sve tako tmurno i tužno , a za sve to su krivi odrasli. Oni kvare našu radost. Oni su osmislili te odvratne linije zvane granice. Zato mi djeca imamo zadatak da vratimo boju svijetu , da naučimo odrasle kako da se opuste i uživaju, kako da poštuju jedni druge , i kako nam ne trebaju te granice. Te granice nas samo razdvajaju bez potrebe , a nizašta ne služe. Ali zato ,opet kažem , mi djeca ćemo to promijeniti. Odrasli bi naučili da se lijepo ponašaju .

Planeta zemlja bi lakše disala . To bi bilo najljepše mjesto ikada . To sve može početi samo kada bi odrasli pokazivali više dobrote, korak po korak i granice nestale. Odrasli govore kako djecu treba učiti dobroti , ljubavi, ali oni su ti koje treba naučiti, samo nisu svjesni toga. Svi bi ostvarili svoje snove i odrasli u ljubavi. A škole -one bi tek bile pune radosti šarenih dvorišta , pune vesele djece i nastavnika. Bez vrijeđanja i nasilja , igrališta puna male i velike djece , pune osmijeha i prijateljstva. Sve bi bilo pravedno.

Mi djeca ćemo izgraditi ljepši i pravedniji svijet.



Elhana Mašić V-3



Imran Šabeta V-3



Ajša Perjan V-3



Ajan Pehilj V-3



Elif Fehratović IV1

Elif Fehratović IV-1



Melek Fehratović IV1

Melek Fehratović IV-1



Nejla Maksumić IV-1



Topalović Sumeja IV

Sumeja Topalović IV-1 11





Ajlin Bujak II-1



Dalia Hedo II-1



Iman Perla II-1



Aiša Lošić II-1

Takmičenja

TAKMIČENJA I POSTIGNUĆA UČENIKA U ŠKOLSKOJ 2025/2026. GODINI OPĆINSKO TAKMIČENJE

PLASMAN	PREZIME I IME UČENIKA	PREZIME I IME NASTAVNIKA	NAZIV TAKMIČENJA
1. <u>mjesto</u>	EKIPNI PLASMAN <u>Hatidža Ljubičić, Daris Čarković, Grabus Ahmed, Moro Abdulah</u>	<u>Emina Pintol</u>	<u>Program upozoravanja na mine</u>
1. <u>mjesto</u>	EKIPNI PLASMAN <u>Rijalda Muslić, Hena Ušanović, Bakir Čarković</u>	<u>Semina Vileš-Šipo</u>	<u>Geografija</u>
1. <u>mjesto</u>	POJEDINAČNI PLASMAN <u>Muslić Rijalda</u>	<u>Semina Vileš-Šipo</u>	<u>Geografija</u>
3. <u>mjesto</u>	POJEDINAČNI PLASMAN <u>Hena Ušanović, Bakir Čarković</u>	<u>Semina Vileš-Šipo</u>	<u>Geografija</u>
2. <u>mjesto</u>	EKIPNI PLASMAN <u>Ahmed Grabus, Farah Lošić, Hatidža Ljubičić, Imran Halilović, Afan Halilović, Daris Čarković, Taira Krluš, Amila Bijelonja</u>	<u>Neira Čampara</u>	<u>Projekat građanin</u>
3. <u>mjesto</u>	EKIPNI PLASMAN <u>Adna Topalović, Eina Spahović, Muhamed Durmo, Tarik Karailo</u>	<u>Haris Dahija</u>	<u>Stoli tenis</u>
1. <u>mjesto</u>	POJEDINAČNI PLASMAN <u>Onur Huseinbašić</u>	<u>Haris Dahija</u>	<u>Zimski atletski miting</u>
2. <u>mjesto</u>	POJEDINAČNI PLASMAN <u>Amar Bujak</u>	<u>Haris Dahija</u>	<u>Zimski atletski miting</u>
3. <u>mjesto</u>	POJEDINAČNI PLASMAN <u>Adna Topalović</u>	<u>Haris Dahija</u>	<u>Zimski atletski miting</u>
3. <u>mjesto</u>	POJEDINAČNI PLASMAN <u>Amin Kovačević</u>	<u>Haris Dahija</u>	<u>Zimski atletski miting</u>
3. <u>mjesto</u>	POJEDINAČNI PLASMAN <u>Naida Kadrić</u>	<u>Haris Dahija</u>	<u>Zimski atletski miting</u>
1. <u>mjesto</u>	POJEDINAČNI PLASMAN <u>Adna Topalović</u>	<u>Haris Dahija</u>	<u>Atletski kup</u>
3. <u>mjesto</u>	POJEDINAČNI PLASMAN <u>Amar Herac</u>	<u>Haris Dahija</u>	<u>Atletski kup</u>
4. <u>mjesto</u>	EKIPNI PLASMAN <u>Hana Perjan, Ajla Bajrić, Nela Kopic, Farah Džaferović, Sarah Bikić, Sumea Trnka, Zerina Hajdarević</u>	<u>Hajrija Velić</u>	<u>Prva pomoć</u>
5. <u>mjesto</u>	EKIPNI PLASMAN <u>Onur Huseinbašić, Bakir Čarković, Ahmed Moro</u>	<u>Šeharzada Tahić-Zahirović</u>	<u>Informatika</u>

Takmičenja

TAKMIČENJA I POSTIGNUĆA UČENIKA U ŠKOLSKOJ 2025/2026. GODINI KANTONALNO TAKMIČENJE

PLASMAN	PREZIME I IME UČENIKA	PREZIME I IME NASTAVNIKA	NAZIV TAKMIČENJA
1. <u>mjesto</u>	EKIPNI PLASMAN <u>Hatidža Ljubičić, Daris Čarković,</u> <u>Grabus Ahmed, Moro Abdulah</u>	<u>Emina Pintol</u>	Program <u>upozoravanja</u> <u>na mine</u>
7. <u>mjesto</u>	POJEDINAČNI PLASMAN <u>Adna Topalović</u>	<u>Haris Dahija</u>	<u>Atletski kup</u>
8. <u>mjesto</u>	POJEDINAČNI PLASMAN <u>Lemmana Čavčić</u>	<u>Edina Žugor-</u> <u>Šalaka</u>	BHS <u>jezik i</u> <u>književnost</u>
8. <u>mjesto</u>	POJEDINAČNI PLASMAN <u>Emela Smajić</u>	<u>Vedrana Džindo</u>	<u>Hemija</u>
10. <u>mjesto</u>	POJEDINAČNI PLASMAN <u>Esma Selimović</u>	<u>Mubera Hastor</u>	<u>Engleski jezik</u>
11. <u>mjesto</u>	POJEDINAČNI PLASMAN <u>Merjem Žigić</u>	<u>Rašida Čeman</u>	<u>Vieronauka</u>

FEDERALNO TAKMIČENJE

PLASMAN	PREZIME I IME UČENIKA	PREZIME I IME NASTAVNIKA	NAZIV TAKMIČENJA
4. <u>mjesto</u>	EKIPNI PLASMAN <u>Hatidža Ljubičić, Daris</u> <u>Čarković, Grabus</u> <u>Ahmed, Moro Abdulah</u>	<u>Emina Pintol</u>	Program <u>upozoravanja na</u> <u>mine</u>

Općinsko takmičenje iz geografije

Na općinskom takmičenju iz geografije, održanom 16.04.2026. godine, našu školu predstavljali su učenici IX razreda: Rijalda Muslić, Hena Ušanović i Bakir Čarković.

Muslić Rijalda osvojila je prvo mjesto (82 boda), dok su Hena Ušanović i Bakir Čarković osvojili treće mjesto (po 70 bodova). Ovim rezultatima učenici naše škole ekipno su bili najbolji na području općine Novi Grad, te ostvarili plasman na Kantonalno takmičenje, koje će biti održano 29.04.2026. godine. Učenike pripremala predmetna nastavnica Semina Vileš-Šipo



Kantonalno takmičenje iz Geografije

U srijedu, 29. aprila 2026. godine, realizirano je Kantonalno takmičenje iz geografije za učenike devetih razreda osnovnih škola, na kojem su učestvovali učenici naše škole: Muslić Rijalda, Čarković Bakir i Ušanović Hena. Svi učenici su iz odjeljenja IX-2.

Učešće učenika na Kantonalnom takmičenju bilo je još jedno vrijedno iskustvo, tokom kojeg su naši geografi pokazali veoma solidno znanje, ali i vrlo primjereno i dostojanstveno ponašanje.

Čestitamo učenicima na učešću, postignutim rezultatima i osvojenom 181 bodu. Učenica Muslić Rijalda osvojila je zapaženo 13.mjesto.

Općinsko takmičenje iz Matematike

Dana 11.03.2026. godine naši učenici su učestvovali na općinskom takmičenju iz matematike, koje je održano u Osnovnoj školi "Fatima Gunić".

Na takmičenju učenici naše škole ostvarili zapažene rezultate i dostojno predstavili školu svojim znanjem, trudom i zalaganjem.

Posebno se ističu učenici koji su ostvarili zapažene rezultate:

- Emela Smajić, učenica IX – 1 razreda, osvojeno 6. mjesto,
- Belkisa Klovo, učenica VI – 1 razreda, osvojeno 10. mjesto i
- Ahmed Grabus, učenik VII – 2 razreda, osvojeno 13. mjesto.

Njihov uspjeh je rezultat predanog rada, upornosti i zalaganja.

Pored učenika koji su ostvarili plasman i ostali članovi ekipe dali su značajan doprinos takmičenju svojim učešćem, trudom i predstavljanjem škole na najbolji način. Sam odlazak na takmičenje predstavlja važno iskustvo i podsticaj za dalji rad i usavršavanje u oblasti matematike.

Učenike za takmičenje pripremali nastavnici matematike: Muharemović Mirsad i Mizdrak Amra.



“ TEENEAGLE “ TAKMIČENJE IZ ENGLESKOG JEZIKA

Elhana Mašić, naša sjajna učenica petog razreda, postigla je izvanredan uspjeh osvojivši srebrnu medalju na međunarodnom takmičenju iz engleskog jezika "TeenEagle", akreditovanog od NOCN, an Ofqual UK i partnerstvo UND P-a, koje okuplja učenike iz brojnih zemalja širom svijeta. Cilj ovog takmičenja je razvijanje kritičkog mišljenja, komunikacijskih vještina i općeg znanja engleskog jezika.

Učenica je pokazala izvanredno znanje, osvojivši 89 od mogućih 100 bodova i ovim odličnim rezultatom se plasirala na TeenEagle Global Finals u Londonu .

Učenicu je pripremala nastavnica engleskog jezika Izeta Rahić.



Zimski dječiji atletski miting

Dana 22.12.2025. godine održan je ZIMSKI DJEČIJI ATLETSKI MITING. U Olimpijskoj dvorani Zetra učenici naše škole uzeli su učešće i osvojili medalje.

Topalović Adna 3. mjesto u disciplini 60m. U kategoriji 2010/11. godišta.

Bujak Amar 2. mjesto u disciplini 60m u kategoriji 2014. godišta.



Kovačević Amin 3. mjesto u disciplini 60m u kategoriji 2014. godišta.

Kadrić Naida 3. mjesto u disciplini 5x60m u kategoriji 2010/11. godišta.

Huseinbašić Onur prvo mjesto u disciplini 60m u kategoriji 2012/13. godišta.

Kao i ostala djeca koja su zabilježila zapažene rezultate. A to su:

Bojić Armin, Redžić Muamer, Zuko Farah, Pašić Džana, Huseinbašić Nedžla, Bajrić Ajla, Ruhotina Ajdin, Bučan Faris, Đedović Ahmed, Čubro Said, Velić Emrah, Ramić Emina, Puščul Nedžla, Skorupan Asja, Čoko Nedžla, Klovo Belkisa i Brković Adna u pratnji nastavnika Mensura Kopića.



Ogledni časovi

Fizika

Eksperiment kao most između fizike i hemije
Dana 15. aprila realizovan je ogledni čas koji su izveli učenici IX-2
odjeljenja uz podršku nastavnica Alme Fazlagić i Vedrane Džindo.

Kroz zanimljive eksperimente i igrokaz, učenici su pokazali
povezanost fizike i hemije te primjenu znanja u praksi.
Čas je bio interaktivan, a učenici su se istakli aktivnim učešćem i
samostalnim radom.



Matematika

U petak, 15.05.2026. godine u našoj školi je održan ogledni čas iz matematike na temu:

“Matematika u stvarnom životu-Površina i zapremina prizme” sa učenicima VIII i IX razreda uz mentorstvo nastavnika Mirsada Muharemovića i nastavnice Amre Mizdrak.

Tokom izvođenja oglednog časa na temu površine i zapremine prizme, zadatak je uspješno urađen bez poteškoća. Cilj rada bio je da se kroz primjere i zadatke bolje razumije kako se računaju površina i zapremina različitih vrsta prizmi.

Tokom rada su rađeni primjeri zadataka u kojima su učenici računali zapreminu i površinu za različite dimenzije. Rad je protekao uredno i uspješno, a svi zadaci su tačno riješeni.

Također smo zaključili da matematika ima veliku primjenu u stvarnom životu, posebno u dizajnu i pakovanju proizvoda, npr., prilikom izrade kutija i ambalaže potrebno je znati zapreminu kako bi se odredilo koliko materijala može stati unutra, kao i površinu da bi se izračunala količina materijala potrebna za izradu. Čas je osmišljen kao dinamičan i interaktivan, sa ciljem povezivanja matematike sa svakodnevnim životom i povećanja motivacije učenika.



4 godišnja doba

Ogledni čas “4 godišnja doba”

Pet nastavnika Osnovne škole “Behaudin Selmanović” – Imamović Elvira, Žunić Elvedina, Podrug Nevresa, Zuko Minela i Imamović Nermin su tokom 4 mjeseca zajedno sa učenicima realizovali su projekat “4 godišnja doba” .

Cilj projekta bio je da učenici prepoznaju promjene u prirodi i povezanost ljudi, životinja i biljaka kroz sva godišnja doba. Realizovano je 43 različite aktivnosti koje su učenike vodile od opažanja do zaključivanja, igre i praktičnog učenja.

Znanje je integrisano kroz korelaciju sa 11 nastavnih predmeta, povezujući teoriju i praksu.

Učenici su naučili da su ljudi dio prirode, koja se zajedno sa životinjama i biljkama mijenja i prilagođava.

Hor učenika i nastavnici izveli su muzičku kompilaciju na temu „Četiri godišnja doba“ i istakli su važnost pažnje odraslih i učenja djece da prepoznaju vrijednu muziku.

Projekat je ostvario planirane ciljeve, omogućivši trajno, funkcionalno i iskustveno učenje. Na samom kraju, kroz moto „Neka znanje cvjeta u svakom godišnjem dobu“, poslana je poruka da radoznalost, učenje i rast nemaju svoje pauze.



Dan planete zemlje



Učenici prvih razreda OŠ,, Behaudin Selmanović", zajedno sa svojim učiteljicama

Hubijar-Muslić Erminom i Kanlić Enisom 23.4.2026.obilježili su Dan planete Zemlje – oglednim časom.

Uz mnogobrojne aktivnosti i zabavu na oglednom času učenici su na zanimljiv i kreativan način učili o značaju očuvanja prirode i zaštiti okoliša.

Čas je protekao u vedroj atmosferi uz aktivno učešće svih učenika.

Zajedno sa svojim učiteljicama izrađivali su didaktičke materijale od recikliranih i prirodnih materijala čime su razvijali kreativnost i ekološku svijest.

Svoj doprinos dali su i roditelji učenika koji su pomogli u izradi kostima za modnu reviju.

Poruka koju su planeti poslali prvačići:

- Čuvamo te jer te volimo!
- Obećavamo da ćemo brinuti o prirodi, čuvati vodu, saditi biljke i ne zagađivati okoliš, kako bi naša planeta ostala lijepa i zdrava za sve nas.



Škola plivanja

U školskoj 2025/2026. godine za učenike IV razreda realizovana je "Škola plivanja". "Škola plivanja" je realizovana u periodu od 3.3. do 9.3. 2026. godine za učenike IV3 odjeljenja i u periodu od 10.3. do 16.3.2026. godine za učenike IV1 i IV2 odjeljenja. Nosioци aktivnosti u realizaciji "Škole plivanja" su : Uglješa elvira, Elvira Karasoftić, Gujić Jasmina - učiteljica razredne nastave i asistent/ica (Minela Zuko) – podrška u realizaciji aktivnosti „Škola plivanja“ realizovana je uspješno, u pozitivnoj i sigurnoj atmosferi. Učenici su pokazali interesovanje, odgovornost i saradnju tokom svih aktivnosti.



Škola u prirodi

Učenici IV-og razreda naše škole su u periodu od 22.10. do 24.10. 2025. godine u pratnji učiteljica (IV-1 Elvira Uglješa, IV-2 Jasmina Gujić, IV-3 Elvira Karasoftić), asistentice u nastavi (Minela Zuko) i bibliotekarke (Enesa Erović, Mulahmetović), realizovali „Školu u prirodi“. Boravili su na planini Vlašić. Tokom trodnevnog boravka, djeca su imala različite aktivnosti, kao i priliku da steknu nova znanja, ali i da se povežu da prirodom i svojim vršnjacima te uključuje provjeru znanja i iskustva stečenih u učionici kroz primjenu u stvarnoj životnoj sredini. Tokom boravka posjetili su Travnik, Visoko – Park Ravne i imali priliku vidjeti kako se proizvodi poznati vlašićki sir, te isti konzumirati.



PROJEKTI



“
RECIKLAŽA
NIJE
GNJAVAZA

U okviru svojih projektnih aktivnosti učenici - volonteri JU OŠ “Behaudin Selmanović” su zajedno sa drugim učenicima, roditeljima i uposlenicima škole učestvovali u prikupljanju plastične ambalaže - flaša.

Cilj aktivnosti koje su vodile Aida Hadžić, nastavnica i Amela Muftić - Arapović, socijalni radnik škole je bio podizanje ekološke svijesti kod učenika, roditelja i uposlenika škole, smanjenje zagađenja i razvijanje odgovornosti prema lokalnoj zajednici.


Nakon završene projektne aktivnosti, učenici iz VIII-1 odjeljenja, Ali Džihanić, Ilhan Ćato i Nela Kopic su sa socijalnim radnikom posjetili KJKP “RAD” i na reciklomatu reciklirali plastičnu ambalažu. Sredstva od reciklirane ambalaže usmjerena su u humanitarne svrhe Udruženju Pomozi.ba.

Zahvaljujemo se učenicima, volonterima, roditeljima, uposlenicima, kolegici Amri Mizdrak i kolegi Edinu Guja koji su podržali i pomogli u realizaciji ove aktivnosti.



GALERIJA VOLONTERIZMA 2025.

Simbolično na Međunarodni dan volontera održana je Galerija volonterizma na kojoj su se predstavile 23 škole iz FBiH. Tom prilikom, volonteri naše škole: Ismihana, Sajra, Lamia, Nela, Hena, Adin, Ali, Sumea, Nedžla, Lemmana, Lamija, Rejhana, Amna, Ajdin, Vedad, Ilhan, Muhammed, Imran i Danin su predstavili našu školu i predstavili tri projektne humanitarne aktivnosti: "Moja kosa - tvoja kosa", "Reciklaža nije gnjavaža" i "Nijedno dijete bez paketića".



Koordinatorice projekta: Aida Hadžić, Amra Mizdrak, nastavnice i Amela Muftić - Arapović, socijalna radnica škole su doprinijele da se volonterskim radom omogući stvaranje poticajnog okruženja za razvoj volonterizma u školi, da se poveže i osnaži partnerstvo između uposlenika, djece, roditelja i lokalne zajednice.

Zahvaljujemo se na tehničkoj podršci Mensuru Mujiću, nastavniku i svima drugima koji su na bilo koji način dali svoj doprinos u realizaciji humanitarnih aktivnosti i u realizaciji projekta "Volontiranje je cool!", a samim tim i pomogli da se škola uspješno predstavi na ovogodišnjoj Galeriji volonterizma.

POKLON KAO PODRŠKA

Povodom Međunarodnog dana žena, Udruženje „Ruku na srce“ realiziralo je humanitarni projekat „Od srca za nju“. I ove godine, naša škola je podržala je plemenitost projekta, ne samo kroz simbolične donacije, već i kroz poruku solidarnosti i dostojanstva ženama i djevojkama koje se svakodnevno bore sa izazovima siromaštva.

Ovaj projekat je samo mali podsjetnik da malo nekome znači mnogo i da se veličina jednog društva mjeri upravo po tome kako se odnosimo prema najranjivijim članovima društva. Neka ovaj mali znak pažnje podsjeti djevojke i žene da su vrijedne svake pažnje.

Veliko hvala učenicima, roditeljima i uposlenicima škole koje su i ove godine dali svoj veliki i značajan doprinos. sto.



Moja kosa-tvoja kosa

U četvrtak 13.2.2026. godine smo u prostorijama naše škole realizovali projekat "Moja kosa-tvoja kosa".

Projekat je podrazumijevao doniranje kose Udruženju Srce za djecu oboljelu od raka.

Deset djevojčica i jedan dječak odlučili su da učestvuju u projektu, a to su naši heroji:

Emina Topalović, Edna Sirbubalo, Erna Sirbubalo, Nedžla Tatlić, Iman Isić, Merjem Bećirović, Amani Mušinbegović, Esma Herak, Zara Herak, Amina Užičanin, Jusuf Smajić.

Uz naše drage djevojčice i dječaka projektu su se pridružili kolegica iz druge škole gospođa Alma Mušinbegović i bivši učenik naše škole Emman Čavčić, te smo sa njima imali ukupno trinaest vrijednih donacija.

Izuzetno smo ponosni na naše drage donatore i naš projekat, jer 15.2. je Međunarodni dan djece oboljele i liječene od raka, a mi smo svojim djelom pokazali da smo ruka podrške onima kojima je to potrebno.

Pridružite nam se i vi...

Od srca se zahvaljujemo frizerskom salonu "KF" u Hrasnom i divnoj Elmi Oruč, svim kolegama i kolegicama, te roditeljima na podršci pri realizaciji ovog vrijednog projekta. Posebna zahvala ide roditeljki Almi Bećović i firmi Dm BiH koji su podržali projekat, kroz prigodne poklone za naše donatore.




Nijedno dijete bez paketića

U decembru 2025. godine učenici, roditelji i uposlenici naše škole su podržali misiju Udruženja "Ruku na srce" i humanitarnu aktivnost "Nijedno dijete bez paketića" kojom je koordinirala Amela Muftić - Arapović, socijalna radnica škole.

Veliku zahvalnost za pomoć pri realizaciji humanitarne aktivnosti upućujemo svima, a posebno učenicima III-1 odjeljenja koji su zajedno sa roditeljima i učiteljicom Editom Trnka izdvojili svoje vrijeme, kako bi s ljubavlju napravili paketiće za mališane širom Bosne i Hercegovine.

Ponosni smo što smo timskim radom uposlenici - roditelji - djeca došli do našeg zajedničkog cilja, Nijedno dijete bez paketića.

Prikupljenje donacije Amra Mizdrak, nastavnica i socijalna radnica dostavile su na punkt HomeWorkHub koji sudjeluje u humanitarnoj aktivnosti.



Pomaganje i hrabrost



U Osnovnoj školi „Behaudin Selmanović“ za učenike prvog razreda u srijedu, 5.11.2025.godine realizovana je vannastavna aktivnost u sklopu programa radionica „Ostani smiren - Pomaganje i hrabrost“.

Kroz gledanje video-priče, razgovor i aktivnosti kroz igru – “Spašavanje mačke s visine” i “Noćni izazov spašavanja” – učenici su učili o važnosti pomaganja, hrabrosti i saradnje.

Djeca su preuzimala uloge vatrogasaca, spasilaca i doktora, te su zajednički rješavala zadatke u kojima je bilo potrebno smireno razmišljati i pokazati empatiju. Učenici su oduševljeno otkrili koliko je važno i lijepo pomoći drugima. Kroz igru su prepoznali osjećaje drugih i osjetili ponos i sreću kada su uspješno “pomogli” mački ili unesrećenima u simulacijama. Aktivnosti su poticale timski rad, odgovornost i razvijanje socijalnih i emocionalnih vještina, a njihovo zalaganje nagrađeno je diplomama za hrabrost.

Također, odjeljenja I-1 i I-2 dobila su zajedničke diplome za uspješnu realizaciju radionice.

Radionica je završena likovnim izrazom i razgovorom, gdje su učenici rado pokazali svoje crteže i ispričali kako su se osjećali dok su pomagali. Oduševljenje djece i njihova spremnost da pomažu drugima pokazali su da su ciljevi radionice u potpunosti ostvareni..

Zdravlje na dlanu prvačića



U Osnovnoj školi „Behaudin Selmanović“, u organizaciji Zavoda za javno zdravstvo Kantona Sarajevo realizovan je edukativni program za učenike prvih razreda na temu „Zaštita zdravlja – pravilna higijena ruku kao mjera prevencije zaraznih bolesti“.

Radionica je uspješno realizovana 20.04.2026. godine za dva razreda prvačića, kroz interaktivan pristup, uz demonstraciju pravilnog pranja ruku i aktivno učešće učenika.

Djeca su upoznata sa značajem higijene ruku, načinima širenja zaraznih bolesti te situacijama u kojima je neophodno pravilno prati ruke.

Učenici su pokazali visok nivo zainteresovanosti i aktivnog učešća, te su kroz odgovore i praktične aktivnosti demonstrirali stečena znanja o pravilnoj higijeni ruku i njenom značaju u prevenciji zaraznih bolesti.

Cilj radionice bio je podizanje svijesti kod učenika o značaju pravilne higijene ruku i usvajanje osnovnih higijenskih navika u cilju prevencije zaraznih bolesti.

Učiteljice: Hubijar-Muslić Ermina i Kanlić Enisa



„Zlato livade – mali cvijet velike ljepote“

Tokom aprila naši prvačići zajedno sa svojim učiteljicama realizovali su vannastavnu aktivnost „Zlato livade – Maslačak“ u okviru programa ekologije. Aktivnosti su organizovane povodom obilježavanja 5. aprila – Dana maslačka, s ciljem razvijanja ljubavi prema prirodi i upoznavanja učenika sa značajem ove biljke.

Maslačak, iako na prvi pogled jednostavan i skroman cvijet, u sebi krije pravo malo čudo prirode. U proljeće livade pretvara u zlatni tepih, a zatim se pretvara u nježnu bijelu lopticu koju vjetar raznosi na sve strane. Svaka njegova sjemenka nosi novu priču i novi početak, šireći život na nova mjesta.

Zbog svoje sposobnosti „putovanja“ pomoću vjetra, maslačak se često naziva malim putnikom prirode. Osim svoje ljepote, on je i izuzetno koristan – predstavlja rani izvor hrane za pčele, a koristi se i u ishrani i pripremi prirodnih ljekovitih napitaka.

Ova zanimljivost dodatno je motivisala učenike da ga posmatraju s pažnjom i razumijevanjem, te da uoče da i najjednostavniji cvijet može imati veliku ulogu u prirodi.

Kroz igru, istraživanje i boravak u prirodi učenici su posmatrali maslačke, pčelice i proljetno cvijeće, brali cvjetove i izrađivali proljetnu vazru, slušali pjesmu „Maslačak“, učestvovali u dramatizaciji priče o putovanju sjemena, plesali, puhali u maslačke i sadili sjeme u saksije. Svoje doživljaje iz prirode prenijeli su i na likovne radove pune boja, sunca i proljetnih livada.

Kroz realizovane aktivnosti učenici su razvijali kreativnost, saradnju, ekološku svijest i ljubav prema prirodi, učeći da i jedan mali cvijet može imati veliku vrijednost i ljepotu.

„Čuvajmo prirodu i uživajmo u ljepoti malih stvari jer i jedan mali maslačak može uljepšati cijelu livadu.“

Učenici I-1 i I-2 razreda i njihove učiteljice Hubijar-Muslić Ermina i Kanlić Enisa



„Korpica radosti i čestitka za druga/drugaricu u I-1/ I-2 povodom Dana dječije radosti“

U povodu obilježavanja Dana dječije radosti 30. i 31. decembra 2025. godine u Osnovnoj školi „Behaudin Selmanović“ u dva odjeljenja prvog razreda realizovana je posebna i radosna aktivnost koja je učenicima donijela mnogo osmijeha, topline i lijepih uspomena.

Na času Likovne kulture prvačići su s osmijehom na licu crtali, pisali, bojili, ukrašavali i lijepili, izrađujući novogodišnje čestitke koje su nastajale uz mnogo truda, mašte i dječije iskrenosti.

Učenici su čestitke izrađivali s namjerom da ih poklone onima kojima su željeli, pa su ih međusobno razmjenjivali, šaljući jedni drugima poruke prijateljstva, pažnje i praznične radosti. Posebne čestitke s mnogo ljubavi pripremljene su i za njihovu učiteljicu, kao i za direktora škole, kao znak poštovanja i zahvalnosti.

Na sam Dan dječije radosti, učenici su zajedno sa „Korpicom radosti“, ispunjenom slatkišima i bombonama, posjetili drugare u drugom odjeljenju. Svojom posjetom iznenadili su svoje vršnjake i njihovu učiteljicu te u učionicu donijeli vedrinu, smijeh i istinsku dječiju radost. Dijeljenje čestitki i slatkiša proteklo je u toploj i emotivnoj atmosferi, ispunjenoj osmijesima i osjećajem zajedništva.

Nakon toga, učenici su posjetili direktora škole i s ponosom mu uručili novogodišnju čestitku, čime su pokazali koliko su pažnja, ljubaznost i lijepa riječ važni bez obzira na uzrast. Kroz ovu aktivnost učenici su na njima blizak i razumljiv način učili o humanosti, dijeljenju, drugarstvu i vrijednosti sitnih pažnji koje donose veliku radost.

Ovakve aktivnosti doprinose razvoju pozitivnih emocija i vrijednosti kod djece te predstavljaju snažan temelj za njegovanje solidarnosti, pažnje i međusobnog poštovanja od najranijeg uzrasta.



Pčelarstvo

U okviru projekta "Pčelarstvo" učenici III razreda sa učiteljicama Trnka Editom, Ibrović Muberom i asistenticom Zuko Minelom realizovali su posjetu „Api Komori Šehović." Gospodin Bajro Šehović omogućio je učenicima da zavire u čarobni svijet vrijednih pčelica, tih malih radilica, u tajanstveni svijet prirode koji krije neprocjenjivo blago. U mirisu cvijetnih poljana slatki snovi se nižu, medeni trenuci do trpeza stižu.



Kultura sjećanja

Aktiv III razreda (učiteljica Edita Trnka III – 1 i učiteljica Ibrović Mubera III – 2) je 27.4.2026. godine realizovao posjetu Spomen obilježju ispred JU OŠ „Behaudin Selmanović“ i spomeniku „Kрила slobode.“ Ova posjeta bila je prilika da se učenici upoznaju s važnim historijskim događajima i mjestima koja svjedoče o borbi za slobodu i očuvanje domovine. Tokom posjete učenici su učili o značaju ovih lokaliteta, njihovoj ulozi u odbrani Sarajeva, te o vrijednostima koje simboliziraju, poput slobode, hrabrosti i zajedništva. Kroz neposredno iskustvo učenici su mogli bolje razumjeti važnost kulture sjećanja i očuvanja historijskih činjenica. Posjeta je također doprinijela razvijanju kritičkog mišljenja jer su učenici razgovarali o prošlim događajima, njihovim posljedicama i značaju za današnje društvo. Ovakve aktivnosti su važne jer omogućavaju učenicima da kroz konkretne primjere iz svoje okoline razviju svijest o historiji i identitetu svoje zajednice.



Kultura sjećanja – herojstvo na djelu

Posjeta Memorijalnom centru – Potočari, Srebrenica

Datum: 21. 4. 2026.

Razredi: 9-1, 9-2, 9-3 sa razrednicima Jasmin Marevac, Jasna Mešan, Rašida Ćeman
U okviru aktivnosti usmjerenih na njegovanje kulture sjećanja i razvijanje svijesti o važnosti historijskih događaja, učenici razreda 9-1, 9-2 i 9-3, sa svojim razrednicima Jasminom Marevcem, Jasnom Mešan i Rašidom Ćeman organizovano su posjetili Memorijalni centar Srebrenica – Potočari.

Cilj ove posjete bio je upoznavanje učenika sa jednim od najvažnijih i najtežih događaja iz novije historije Bosne i Hercegovine, kao i razvijanje empatije, poštovanja i odgovornosti prema žrtvama.

Tokom boravka u Memorijalnom centru, učenici su imali priliku obići mezarje, pogledati izložbene postavke i poslušati stručno vođenje kroz historijske činjenice vezane za događaje iz jula 1995. godine. Poseban utisak na učenike ostavila su svjedočanstva preživjelih i autentični predmeti koji svjedoče o stradanju nevinih ljudi, kao i film sa autentičnim snimcima.

Kroz ovu posjetu učenici su razvijali svijest o važnosti očuvanja istine, njegovanja sjećanja i izgradnje društva zasnovanog na toleranciji, miru i međusobnom poštovanju. Također, naglašena je važnost učenja iz prošlosti kako bi se spriječilo ponavljanje sličnih tragedija u budućnosti.

Ova aktivnost predstavlja značajan doprinos odgojno-obrazovnom radu, jer učenici ne uče samo kroz teoriju, već i kroz direktno iskustvo i lični doživljaj, što ostavlja snažan i dugotrajan utisak.

Na kraju posjete, učenici su iskazali svoje utiske, naglašavajući koliko je važno da se ovakva mjesta posjećuju i da se istina prenosi budućim generacijama.

Razrednici: Jasmin Marevac IX-1, Jasna Mešan IX-2 i Rašida Ćeman IX-3



Kultura sjećanja “Naše kuće



U okviru aktivnosti „Naše kuće“, realizirane 29. 4. 2026. godine, učenici V razreda uz podršku učiteljica Imamović Elvire, Žunić Elvedine i Podrug Nevese, te asistenta u nastavi Zuko Minele uspješno su istraživali kulturno-historijsko naslijeđe Bosne i Hercegovine kroz niz kreativnih i edukativnih zadataka. Kroz praktičan rad izrađivali su modele tradicionalnih bosanskih kuća, razvijajući kreativnost, preciznost i timski duh. Organizirana je i bogata izložba u holu škole, na kojoj su učenici s ponosom predstavili svoje radove.

Učenici su kroz grupni rad pripremali i prezentirali zanimljive digitalne prezentacije, razvijajući istraživačke i komunikacijske vještine. Poseban doživljaj bila je terenska nastava i posjeta Despića i Svrzinoj kući 29. 4. 2026. godine, gdje su učenici imali priliku upoznati način života iz prošlosti.

Ova aktivnost doprinijela je boljem razumijevanju kulturne baštine i važnosti njenog očuvanja. Učenici su pokazali veliki interes, angažman i odgovornost tokom svih faza rada. Kroz različite oblike učenja dodatno su razvijali saradnju, samopouzdanje i ljubav prema tradiciji.



Susreti nastavnika i nastavnica 2026. godine

S ponosom ističemo da je JU OŠ „Behaudin Selmanović“ učestvovala na manifestaciji Susreti nastavnika i nastavnica 2026. godine, održanoj 21. aprila 2026. godine u Međunarodnom centru za djecu i omladinu, objekat Dječija kuća, gdje su predstavljeni primjeri kvalitetne nastavne prakse kroz World Café sesije.

Našu školu predstavljale su Elvira Imamović i Minela Zuko, zajedno sa učenicima Afanom Čarkovićem, Lamijom Kadrić i Aminom Fehrić, kroz predstavljanje projekta „Škola za piliće – čudo novog života“. Ovaj projekat je ranije prepoznat kao kvalitetan primjer nastavne prakse i odabran za učešće u programu predstavljanja, a temelji se na iskustvenom, istraživačkom i međupredmetnom učenju.

Predstavljanje je proteklo veoma uspješno i zapaženo, a naši učenici su projekat predstavili u pravom svjetlu — sigurno, odgovorno, radosno i s puno ponosa.

Posjetioци naše sesije pokazali su veliko interesovanje, postavljali pitanja i s oduševljenjem pratili učenička objašnjenja.

Učešće na ovom događaju za našu školu predstavlja posebno priznanje, ali i potvrdu da predan rad, saradnja nastavnika i učenika, kao i otvorenost prema savremenim i kreativnim pristupima učenju, daju vrijedne rezultate. Zahvalni smo organizatorima na prilici da predstavimo naš rad, a posebno smo ponosni na naše učenike koji su dostojanstveno, zrelo i inspirativno predstavili svoju školu i svoj projekat.



Predstava “Lisica bez repa”

U okviru 12. Festivala dječije umjetnosti, a u organizaciji Općine Novi Grad, 07.05.2026. godine, učenici OŠ “Behaudin Selmanović”, od I do III razreda, u pratnji učiteljica: Hubijar-Muslić Ermine, Kanlić Enise, Dučić Sanele, Tucaković Emire, Ibrović Mubere i Trnka Edite, gledali su predstavu “Lisica bez repa”. Učenici su pažljivo pratili predstavu, oduševljeni kostimima i glumačkom izvedbom.



Predstava “Lakonoga u čarobnoj šumi”

U okviru 12. Festivala dječije umjetnosti, a u organizaciji Općine Novi Grad, 8.05.2026. godine, učenici IV i V razreda OŠ “Behaudin Selmanović”, u pratnji svojih učiteljica:

Uglješa Elvire, Gujić Jasmine, Karasoftić Elvire, Imamović Elvire, Žunić Elvedine, Bračković Jasmine i asistentice Zuko Minele, uživali su u gledanju pozorišne predstave.

Učenici su predstavu pratili sa velikim interesovanjem, oduševljeni glumačkom izvedbom, kostimima i lijepim porukama koje predstava nosi.



Predstava "Hranjiva priča"

U utorak, 4. novembra 2025. učenici I-1 i I-2 razreda OŠ "Behaudin Selmanović" posjetili su lutkarsku predstavu „Hranjiva priča“, izvedenu u kinu Općine Novi Grad.

Predstava na zabavan i edukativan način promovira zdrave životne navike kod djece kroz likove Cvrčka, Cvrleta i Mravke.

Posebno je zanimljiv njen interaktivni pristup – djeca zajedno s glumcima učestvuju u pripremi „slasne juhe“, što predstavu čini još zanimljivijom i poučnijom.

Učenici su s velikim oduševljenjem pratili predstavu, aktivno učestvovali i iskreno uživali u svakom trenutku. Kroz igru su naučili o važnosti zdrave ishrane i zajedničkog rada.



Posjeta kinu Cinestar

U utorak 4.11.2025. godine učenici VIII-1, VIII-2 razreda i članovi ekološke sekcije u pratnji razrednika i voditelja sekcije, posjetili su kino CineStar i odgledali film Tron Ares.

Ovu posjetu je upotpunio jedan poseban gost, bivši učenik naše škole. Posjeta kinu je prošla u najboljem redu, učenici su pokazali odgovornost, kulturu ponašanja i disciplinu.

Aktivnost realizovale: Aida Hadžić i Hajrija Velić



Međunarodni dan ljudskih prava



Povodom Međunarodnog dana ljudskih prava 10.12.2025. godine u Osnovnoj školi „Behaudin Selmanović” zasađene su voćke kao simbol zajedništva, prijateljstva i pouke da najljepši rast nastaje tamo gdje se ljudi međusobno uvažavaju.

Danas smo tri učiteljice iz Aktiva, zajedno s učenicima prvog razreda, zasađile tri voćke kao simbol godina provedenih u zajedništvu. U svakoj od njih čuvaju se tragovi naše podrške, sloge i istinskog prijateljstva koje je činilo da radni dani budu ljepši i lakši.

U društvu radoznalih prvačića još jednom smo osjetile koliko je važno graditi okruženje u kojem svi zajedno rastemo. Oni svojim malim rukama i velikim očima gledaju u budućnost, učeći iz onoga što vide – zajedništvo, brigu i vrijednosti koje im želimo ostaviti. Dok nas naredne godine čekaju i neke nove životne staze, u nama ostaje tuga zbog rastanka, ali i radost što smo sve ove godine dijelile rame uz rame – i radne trenutke i one naše posebne, samo nama poznate, koji se pamte za cijeli život.

Neka ove voćke, koje će rasti uz našu brigu i strpljenje, dugo podsjećaju da najljepši plodovi nastaju tamo gdje postoji povjerenje, podrška i pravo, istinsko prijateljstvo – i da na tim temeljima raste i budućnost naše djece. **43**
Nevresa Podrug, Enisa Kanlić i Ermina Hubijar-Muslić

Manifestacija “Sretno prvačići”

Općina Novi Grad je u četvrtak 5.9.2025. godine upriličila veselu manifestaciju povodom početka školske godine i polaska naših najmlađih u školske klupe u Centru za edukaciju, sport i rekreaciju "Safet Zajko". Kroz bogat zabavni program, u kojem je nastupio djeci omiljeni Mravko Travko, prvačićima je poželjeno sretno i uspješno školovanje.

Posebnu radost djeci donijeli su ruksaci i školski pribor koje su dobili na poklon, čime je njihov prvi školski dan učinjen još ljepšim. 🎒✏️

Uz prvačiće su bili njihovi roditelji, direktor škole i učiteljice, koji su zajedno s njima podijelili radost ovog važnog dana. ❤️

Veliko hvala Općini Novi Grad i načelniku Efendić Semiru na pažnji i podršci kojom su uljepšali početak. Učiteljice: Hubijar-Muslić Ermina i Kanlić Enisa I-2



Dan ružičastih majica

Učenici petih razreda naše škole obilježili su Dan ružičastih majica kroz kreativne aktivnosti i poruke protiv vršnjačkog nasilja uz podršku učiteljica Imamović Elvire, Žunić Elvedine, Podrug Nevrese i asistentice Zuko Minele.

Odjeljenje V-1 djelovalo je pod sloganom „Zajedno dižemo ruku protiv nasilja!“, učenici V-2 pod sloganima „Naš zavjet protiv nasilja!“ i „Dižemo ruke protiv nasilja!“ i učenici V-3 pod motom „Dlanovima gradimo srce bez nasilja!“.

Svojim porukama i ružičastim majicama učenici su pokazali da svako od nas može biti dio pozitivne promjene i da je važno graditi školu u kojoj se svi osjećamo sigurno, prihvaćeno i voljeno.

Aktiv V razreda



STOP NASILJU - DAJ PET PRIJATELJSTVU!

Prvačići u ružičastim majicama – zajedno protiv vršnjačkog nasilja:

1. aktivnost

6. februara 2026. godine učenici dva odjeljenja prvog razreda Osnovne škole „Behaudin Selmanović“ obilježili su Dan borbe protiv vršnjačkog nasilja kroz aktivnosti pod nazivom „Stop nasilju – Moje tijelo bira dobrotu“.

Prvačići su pjevali pjesmu „Nasilje nije hrabrost“ i učili kako svojim riječima i djelima mogu širiti dobrotu. Izradili su dva plakata i individualne listiće – kroz crteže, otiske dlanova i srca pokazali su kako očima, rukama i nogama biraju prijateljstvo i podršku.

Poruke s plakata – „Svi smo prijatelji“, „U našoj učionici nema nasilja“ i „Stop nasilju“ – podsjećaju nas da svako od nas može činiti dobro i doprinosti sigurnoj i prijateljskoj školskoj zajednici.

2.aktivnost

Dana 25. februara 2026. godine, učenici prvog razreda naše škole učestvovali su u vannastavnoj aktivnosti „Emocionalna pismenost / RULER i dinosaur“, posvećenju prevenciji vršnjačkog nasilja.

Obučeni u ružičaste majice, prvačići su kroz priču o dinosaurima različitih boja učili kako prepoznati, imenovati i razumjeti emocije – ljutnju, tugu, radost i mir. Poseban trenutak bio je kada su primjenjivali tehniku „Zeleni dinosaur“, učeći kako se smiriti i primjereno reagovati.

Kroz igre poput „Kocke emocija“, „Mood metra“ i „Čaše emocija“, djeca su povezivala emocije sa ličnim iskustvom, učila kako potražiti podršku i razvijala vještine upravljanja osjećajima.

Kroz igru, crtanje i glumu, učenici su jačali empatiju i međusobno razumijevanje.

Radionica je završena zajedničkom aktivnošću sa balonima, kroz koju su učenici simbolično slali poruke prijateljstva i podrške.

Zaključak radionice

o Ljutnja, tuga, radost i mir su sve normalne emocije.

o Niko ne može osjećati samo jednu emociju i to je uredu.

o Važno je prepoznati emociju i odabrati dobar način da reagujemo.

o Kroz igru, crtanje i glumu učimo kako upravljati osjećajima.

Poruka prvačića:

„Sve emocije su uredu.“ „Ja mogu birati kako ću reagovati.“

Ove radionice pokazale su koliko je važno učiti djecu da slušaju jedni druge, prepoznaju osjećaje i biraju dobrotu u svakodnevnom životu. Naši prvačići su dokazali da i mali ljudi mogu učiniti velike stvari – šireći prijateljstvo i osnažujući zajednicu svojim osmijehom i kreativnošću.

Aktiv I razreda



VOLIM BOSNU I HERCEGOVINU

Dana 7. 4. 2026. godine u Osnovnoj školi „Behaudin Selmanović“ uspješno je realizovan finalni kviz „Volim Bosnu i Hercegovinu“, koji predstavlja završnicu istoimenog projekta koji se kontinuirano provodi od mjeseca oktobra.

Tokom trajanja projekta učenici su imali priliku proširiti svoja znanja o domovini kroz različite aktivnosti, istraživanja i radionice, razvijajući pritom osjećaj pripadnosti, ljubavi i odgovornosti prema Bosni i Hercegovini. Finalni kviz bio je kruna tog rada, gdje su učenici pokazali zavidan nivo znanja iz oblasti geografije, historije, muzike, sporta, kulture i tradicije naše zemlje.

U finalnom kvizu učestvovala su četiri ekipe:

Bosanski vitezovi IX (Ahmed Moro, Faris Podrug i Bakir Čarković),

Bosanke IX (Lamija Džuho, Džana Pašić i Ajša Omerović),

Katarinini ljiljani IX (Esmā Selimović, Jasmina Baljić i Kanita Kuko)

i Snaga Bosne (Elhana Mašić, Lamija Podrug i Uma Hadžihalilović).

Upućujemo iskrene čestitke svim učesnicima na pokazanom znanju, trudu i zalaganju, a posebno čestitamo pobjedničkoj ekipi na ostvarenom uspjehu.

Realizaciju projekta podržali su: Općina Novi Grad, Hoše komerc, Slastičarna Palma, Design&QC Sarajevo, Slastičarna Sendi, MBA Slatko i Slano i Knjižara Avdić 3A.

Projekat su vodili nastavnici Imamović Nermin, Semina Vileš-Šipo i Imamović Elvira.

Domovinu treba voljeti, a naš zadatak je da učimo naše potomke da je vole, poštuju i čuvaju.



Obilježavanje Dana maternjeg jezika

Dana 20.02.2026. godine u prostorijama JU OŠ „Behaudin Selmanović“ obilježen je Dan maternjeg jezika. Ovaj poseban datum bio je prilika da se podsjetimo koliko je maternji jezik važan u očuvanju identiteta, kulture i tradicije, ali i za njegovanje osjećaja pripadanja zajednici.

Obilježavanje ovog važnog datuma realizovala je nastavnica bosanskog jezika i književnosti Ahmetović-Velić Havka.

Književno veče

Dana 20.maja 2026. godine u prostorijama JU OŠ „Behaudin Selmanović“ obilježeno je Književno veče „Riznica dječijih snova“. Veče posvećeno rahmetli Mehić Elvedinu, nastavniku, kolegi, prijatelju. Veče prepuno toplih, iskrenih, dječijih priča.

Ove trenutke ćemo smjestiti u bogatu riznicu uspomena, vrijednu i sjetnu.

Hvala direktoru Selmiru Fehratoviću koji je podrška i oslonac uvijek u svemu.

Aktiv nastavnika B/H/S jezika i književnosti




Godine teku, nižu se jedna po jedna, troše neosjetno i prebrzo. Tren po tren nižu se sjećanja, puni se riznica života, uspomena.

Kolektiv OŠ "Behaudin Selmanović" jedinstven je po mnogo čemu. Dijelimo radosti i tuge, radne obaveze, priče, suze, smijeh - dugo, dugo. Smjenjuju se generacije učenika, ali se i sastav kolektiva mijenja.

Ove godine svoj radni vijek završava Nevnesa Podrug. Naša Neva. Učiteljica koja je mnoge generacije izvela, mnogima nesebično prenosila znanje, pomagala, nadovala se i tugovala sa svojim đacima. To je žena koja godinama uveseljava kolege, žena u čijem društvu jednostavno morate imati osmijeh na licu. Sve svoje teške trenutke, kojih u životu imamo svi, prošla je visoko dignuta čela. Ništa je oborilo nije. Naša je Neva neko kome smo se svi nadovali, a to je veliko, to je najveće. Biti čovjek, istrajati u svemu kao čovjek i otići kao čovjek - neprocjenjivo.

*Dnaga naša Nevo, snetne ti godine što te čekaju. Da ti svaki tren u penziji bude ispunjen nadošću. Sneća da ti stalni pratilac bude
Tvoj kolektiv OŠ "BS"*





*Svako dijete nosi u sebi cijeli
jedan svijet - zato maštaj
hrabro, uči rado i smij se
glasno.*

*Osnovna škola "Behaudin Selmanović"
Viteška 6,
71000 Sarajevo,
Bosna i Hercegovina*